

■ TRIBUNA POLITICA

Bilantscha a la fin da l'emprim onn d'uffizi

DA CHRISTIAN RATHGEB,
CUSSEGLIER GUVERNATIV

Is emprims dudesch
Imais da mes temp d'uffizi èn passads. In bun mument per far in'analisa da la situaziun, per guardar enavos ed enavant. Igl è segir che la midada dal deputà al politicher da professiun ha valì la paina e che jau hai chattà en il schef dal departament da giustia, segirezza e sanadad ina professiun da mes siemis! La diversidad da las activitads interessantas dal traffic sin via sur la polizia, da las autoritads per la protecziun d'uffants e da creschids fin a la politica d'ospital e dals fatgs d'asil sur il militar fin als pumpiers è gronda. Cun diesch posts da servetsch e tut en tut passa 1700 collavuraturas e collavuratur è il DGSS il departament il pli grond da l'administraziun dal Grischun. Ultra da quai èn il provediment da la sanadad e la segirezza duas da las grondas sfidas da noss temp.

Cunquai ch'il cussegl federal aveva tschernì a mes emprim di en uffizi il cumandant da polizia sco nov schef da la segirezza militara hai jau pudì numnar *Walter Schlegel* sco nov cumandant da polizia il cumenzament da mes temp d'uffizi. Igl èn succedidas duas autras decisiuns personalas: il secretari dal departament *Mathias Fässler* è daventà il nov schef da l'uffizi per l'execuziun giudiziala ed il procuratur public *Daniel Spadin* è daventà il nov secretari dal departament. Ussa stain nus fitg bain qua en il departament.



L'ultim onn dominavan dus gronds projects da lescha nossa agenda, numadamain la legislaziun executiva tar la planisaziun dals ospitals sco er la nova lescha davart ils servetschs psichiatrics. Tuts dus projects èn vegnids deliberads dal cussegl grond senza problems. Las debattas parlamentaras respectivas tutgan tar mes puncts culminants da quest onn. In auter punct culminant è stà per mai la clausura, per la quala la direenziun dal departament è sa retratga mez 2012 a Mustér, per fixar las directivas strategicas.

Il project il pli grond da l'administraziun chantunala furmava l'onn 2012 il transferiment dals cas currents da las autoritads tutelaras a las autoritads da protecziun d'uffants e da creschids che han stuì vegnir stgaffidas da nov e che han lur sedias a Samedan, Glion, Tavau, Tusaun e Cuira. Cun squadras excellentas èsi gartegià a questas autoritads da cumenzar fitg bain cun la lavur il 1. da schaner 2013. Las tshintg manadras e manaders *Peter Dörflinger*, *Andrea Mathis*, *Giusep De-*

funs, *Urs Werner* e *Gabriela Hunziker* mainan lur autoritads cun quità e cun previsiun. Il Grischun po esser superbi ch'il transferiment dals cas è capità en ina moda uschè buna sco en nagin auter chantun. Er in project grond che ha pudì vegnir realisà l'onn passà sunter in temp da lavur da diesch onns è la messa en funcziun dal sistem directiv da func Polycam.

Uteriurs projects che nus avain prendì per mauns l'emprim onn e che nus manain vinavant uss èn per exempel il scleriment sco che la surpigliada da las incumbensas da la polizia communal sto vegnir organisada, la realisaziun d'ina analisa dals privels en il Grischun (Kataplan) ed il project dal nov stabiliment per l'execuziun giudiziala serrà a Realta.

Grondas sfidas muntan la procedura da tariffas per ils ospitals e la realisaziun dal nov model directiv pertutgant la vegliadetgna, tar il qual i sa tracta en emprima lingia da promover furmas d'abitar alternativas. Grondas sfidas èn ultra da quai l'acceleraziun da las proceduras tar ils fatgs d'asil, la renovaziun successiva dals centers d'asil en il Grischun sco er la terminaziun dal center federal a Sufers e – circa a partir dal matg – la gestiun dal center federal a Medel.

Jau ma legrel da dastgar cuntinuar – ussa gia cun ina tscherta experientscha – cun ina squadra motiva da cun la lavur vi da tut questas sfidas!